

宋诗纪事

宋詩紀事

宋詩紀事卷四十四

錢唐 厲鶚 緝

江都 陸鍾輝 吳江 王藻 勘定

何遠

遠字子遠號韓青老農浦城人去非之子東都遺

老入南渡尚存著春渚紀聞

章序臣得銅雀硯屬余作詩

阿瞞示姦雄挾漢令天下惜時無英豪磔裂異肩踝終令

盜坏土埏作三臺瓦雖云當塗高會有食槽馬人愚瓦何

罪淪螫翳梧櫃錫花封雨苔鴛彩晦雲罅當時丹油法

銅雀瓦用

鉛丹雜胡桃油搗治火之取其雨過即乾

實非謀諸野因之好奇士探琢助揮寫歸

參端歛材堅澤未渠亞章侯捐百金訪獲從吾詫興亡何  
足論徒足增忿罵但嗟瓦礫微亦以材用捨徒令瓴甃餘  
當擅瓊瑰價士患德不備不憂老田舍

春渚紀聞

何 遽

遽字子薦遽從兄寓居餘杭與友張圖南伯鵬俱  
早世遽集二人遺句名南金錄

句

不使翠分旁牖去卻緣清甚畏人知

賦藏筠軒 春渚紀聞

張圖南

圖南字伯鵬餘杭人

句

坐中競病分明久驢上推敲兀未裁

春渚紀聞圖南督予分韻詩未就有詩云云用事精穩如老作者惜乎天不少假之年以觀其所止也

鄭 魁

賦林叔睿端硯

仙翁種玉芝耕得紫玻璃磨出海鯨血鑿成天馬蹄潤應  
通月窟洗合就雲溪常恐魁魁奪山行亦自攜

春渚紀聞永嘉林叔睿所藏端石馬蹄樣深紫色厚寸許面徑七八寸下  
鄭魁銘詩隸字甚高味句所寄旨哉

鄭 莊

縉字季裕清源人官鄂州守有雞肋編

程致道云季裕著本草蒙求三卷甚工  
軒渠錄莊季裕年未甚老而體極癯瘠洪析仲本呼為細腰宮院子

建炎三年七月寓長洲白馬洲張氏舍題壁

昔年隨牒作邊侯愁望長安向戍樓今日衰頹來澤國又

看烽火照長洲

雞肋編

和吳正仲觀李廷珪墨

賴名陳元典籍傳有教邊腹擅便便竟誇削木真餘事卻  
笑磨人得永年三友不居毛穎後五車仍在楮生前祇愁  
公子從醫說火煅生分不直錢

雞肋編吳升正仲家蓄唐以來諸李所製墨無出廷珪之右者其堅利可  
以削木王彥若墨說云趙韓王從太祖至洛行宮見架上篋取視皆李  
氏父子墨也因盡以賜王後王之子婦蓐中血運危甚鑿求古墨為藥因  
取一枚投烈火中研末酒服即愈諸子欲各備產乳之用乃盡取墨煅而  
分之自是李氏墨世益少得

姜光彥

光彥字仲謙號松菴淄州人



行朝近消息眼中羣盜尚縱橫

瀛奎律髓

康與之

與之字伯可渡江初以詞受知高宗官郎中有順

菴樂府

鶴林玉露建炎中大駕駐維揚伯可上中興十策名聲甚著後秦檜當國乃附會求進擢為臺郎值慈寧歸養兩宮燕樂伯可專應制為歌詞諛豔粉飾于是聲名掃地世但比柳者卿輩矣檜死伯可亦貶五羊

題宣和御畫扇

玉輦宸遊事已空尚餘奎藻繪春風年年花鳥無窮恨盡

在蒼梧夕照中

程史康與之在高皇朝以詩章應制與左璫狎適睿思殿有徽祖御畫扇上時持玩流涕璫偶下值竊攜至家而康適來畱之燕飲漫出以示康給璫入取看核輒泚筆几閒書一絕于上有頃璫出見之大恐而康已醉無可奈何明日伺閉叩頭請死上大怒亟取視之天威頓霽但一慟而已



向僻居  
詞賦自草  
劉公刻到  
西風  
西  
林  
謝  
林  
制

巷僻過從少柴門盡日關鶯聲常在柳雲影不離山有道

難言口雖貧未厭閑川原煙四暝春思有無閒

白鷺  
鷺  
出  
齊  
門  
前  
北  
望  
山  
城  
日  
暮  
常  
綠  
綠  
之  
與  
山  
也

春暗汀洲杜若香風標公子白霓裳碧天片雪忽飛去何

處人家水滿塘

夜深琵琶聲似裂一曲霓裳一庭月曲終人影在西階困

倚東風步搖折

可惜

可惜

簾幕重重下正鉤隔簾春在柳梢頭東風著意相料理吹

去楊花不自由 以上前賢小集拾遺

題清江慧力寺

天涯芳草盡綠路傍柳絮爭飛啼鳥一聲春曉落花滿地

人歸

江上濃陰曉未開瘦筇支我上蒼苔春寒前日去已盡今

日又從何處來 詩人玉屑

春詠招真詞 并記

自姑蘇出齊門沿而北望山如巨鼇常熟縣之虞山也

離邑去江不及程陂湖畝澮之積自南至者傾馳會于江

吞江河既應則迅瀾倒流二水相制移時而不能去山無

奇谷惟荒墟白草醜石陂陀迤邐而西有修林橫抹隱

下

見于兩山之閒其中爲招真菴元祐中道人申氏海陵  
徐處士弟子也松林森茂庭宇簡寂如隱君子之居通  
州道士喻抱元增治之舊名竹陵自是更以招真請記  
于僕乃歌招真之詞以系之曰

白鶴巢兮丹井空蓬山杏兮煙霞濛濛陵谷變兮今古木葉  
下兮秋風飛仙去兮朝太微黃冠野服兮以遊以嬉餐霞  
臥月兮世不我違與世滌映兮天門可馳蒼龍嗥兮雲漫  
扉石泉冽兮山芋肥俯仰宇宙兮日月蔽虧靈秀回薄兮  
野芳呈姿山中之樂兮萬化莫移仙人不來兮隱者曷追

蘇州府志

太僕拾遺陳薰之外祖忠烈書劉詩請顯金帶

李唐李太古詩題三姓人齋宗博蘇人畫劉戰炎問

唐字希古河陽三城人徽宗朝補入畫院建炎閒

太尉邵宏淵薦之授成忠郎畫院待詔賜金帶

圖繪寶鑑李唐年近八十善畫人物山水筆意不凡尤工畫牛高宗雅重之嘗題其長夏江寺卷云李唐可比唐李思訓

畫繼補遺建炎南渡李唐如杭得幸高宗余家有唐畫胡笳十八拍高宗親書劉商辭畱空絹俾唐圖寫亦見高宗雅愛唐畫也

題畫

雲裏煙村雨裏灘看之容易作之難早知不入時人眼多

買燕脂畫牡丹

郁氏書畫題跋記錢唐宋杞云唐初至杭無有知者貨楮畫以自給日甚困有中使識其筆曰待詔作也唐因投謁中使奏聞而唐之畫杭人即貴之嘗有詩云云

張九成

張九成字子韶號無垢居士開封人徙家錢塘紹興

及

二年進士第一歷宗正少卿兼侍講權刑部侍郎  
累謫南安軍起知溫州丐祠卒贈太師封崇國公  
諡文忠有橫浦集心傳錄日新錄論語詩

南安寶戒院作

苦無人事擾閑居羸得終年學著書今日欣然出門去秋

風吹意滿芙蓉

橫浦心傳錄

菩提寺

高僧居物外有戶晝常扃海濶知天大泉甘識地靈一簾

春月靜數點別山青便卜歸歟計移文休勒銘

詩林萬選

遺樊茂實硯

詩刻硯後

端溪石視天下奇紫光夜半吐虹霓不隨凡石追時好真

與日月爭光輝韞藏久矣不亂用唯恐翰墨汙染之樊子  
文章有餘地汪汪萬頃誰能窺贈君此硯無輕棄經史妙  
處其發揮飛流濺沫徧天下要使咳唾皆珠璣

游宦紀聞

施德操

德操字彥執鹽官人與張九成子韶楊璇子平號

風交疏三先生著北窗炙輠

廣福禪院

在鹽官有雪峯禪師手鑿井

何處登臨眼最明雪峯佳處一川平潮從海月生時上峯  
在雲天盡處橫幢蓋神扶喬木影風雷井閉古泉聲靈蹤  
鑿盡翻惆悵何日口山報道成

咸淳臨安志

楊璇

璇字子平鹽官人與施德操同時里人號德操爲  
持正先生璇爲謹獨先生

東山廣福院

在鹽官院有葛仙翁井

巖權青山下來尋薊子家人魚皆靜樂水木亦清華松老  
已成蓋菊寒殊未花何須覓句漏此地有丹砂

咸淳臨安志

西山廣福院

在海寧紫微山

地勢連滄海名山號紫微景閑僧坐久路僻客來稀峽影  
清相照河流石自圍塵喧都不到安得此忘歸

海寧縣志

刁文叔

文叔不知其名張橫浦子韶之友

春日旅中

來時江梅散玉蘂歸去麩麥如人深桃花只解逞顏色惟  
有垂楊知客心

橫浦心傳錄云思致尤遠不止工也

陳棠

棠字德名紹興二年進士官祕書少監

晚步

晚步沙頭倚小晴南山正與暮雲橫棲鴉啼處野煙合飛  
鳥去邊孤月生樹暗風微花氣度溪深雨漲水痕平夜闌  
衣溼迷歸路髣髴前村燈火明

前賢小集拾遺

鄭仲熊

仲熊字行可衢州西安人紹興二年進士累官權



參知政事忤秦檜落職孝宗卽位復端明殿學士

桂花蘇軾風煙曼曼日暮無光山空水寒

天公憐我太岑寂每歲殷勤兩度開收拾落英將底用博

山香裏薦清杯全芳備祖

鄭剛中字亨仲婺州金華人紹興二年進士累除祕

書少監出為四川宣撫使為秦檜所忌罷謫桂陽

軍徙封州卒檜死復原官諡忠愍有北山集

老學菴筆記蜀人任子淵好諂鄭宣撫剛中自蜀名歸其實秦檜欲害之

鄭公有惠政衆皆太息或曰鄭不來矣子淵對曰秦少恩哉人稱其敢言

方萬里跋北山文簡古詩峭健在封州詩尤佳

脩脩窗前蘆